

清苑珠林

才四十九

四百八十五
漆九

51407



元祿九年丙子二月日重修

皇圖聖圖 帝階級昌

佛日增輝 轉輪常轉

山城州天安寺法金剛院置



法苑珠林卷第四十九

漆

大唐上都西明寺沙門釋道世字玄暉撰

忠孝篇第四十九 此有五部 不孝篇第五十

述意部 引證部 太子部 睽子部

業因部 述意部第一

竊聞孝誠忠敬高柴董黜之賢反慢尊親罪

過王寄之逆是以木非親母供則響溢千齡

凡非聖僧敬則光逾万代理應傾心頂戴獲

福無邊何得起慢高心反生輕侮也所以立

身行道揚名於後代終身盡者寔建國之前美

故念子路見於孔丘曰由事二親之時常食

藜藿之食為親負米百里之外親沒之後南

遊於楚從車百乘積粟萬鍾累茵而坐列鼎
而食猶願食藜藿之食爲親負米不可復得
每感斯言雖存若亡父母之恩云何可報慈
深河海孝若涓塵永慕長號痛貫心首俗稱
乳哺生我肉身一卅之恩尚復難報況復如
來大悲普洽等同一子拔除三塗得離四生
長辭八苦永御三乘靜思恩重豈同凡俗內
心崩潰如焚如灼情切於理痛甚刀割歷劫
瞻敬長薦珍羞亦未能報須臾之恩故涅槃
經云佛有一味大慈悲愍念衆生如一子衆
生不知佛能救毀謗如來及法僧

引證部第二

如末羅王經云人問世尊

何等爲父母力佛言謂受父母身體乳哺育
養之恩或從地積珍寶上至二十八天悉以
施人不如供養父母是爲父母力 又增一
阿含經云尔時世尊告諸比丘有二法與凡
夫人得大功德成大果報一供養父母二供
養一生補處菩薩施此二人獲大功德受大
果報若復有人以父著左肩上以母著右肩
上至千万歲衣被飯食牀榻卧具病瘦醫藥
即於肩上放屎尿溺猶不能得報恩當知父
母恩重施育之時將護不失時節供養孝順
又地獄經云爲人弟子說師僧過者設師有
實命終必入地獄噉其舌根若得好食美果

等不與父母師僧先自食噉墮餓鬼中後生
爲人貧窮若人含毒向師長入鐵鉞地獄後
生毒蛇中若惡心學父母師長語入融銅地
獄後生爲人蹇吃 又薩婆多論云寧破塔壞

像不說他麁罪若說則破法身不問前比丘
有罪無罪皆不得說 又敬師經云一日三

時應參師進止若參師來不見時應持土塊
草木以爲記驗天時若熱日別三時以扇扇
師若有比丘於彼師所或和尚邊不生敬心
導說長短於將來世別有一小地獄名爲拒
撲當經是中墮彼處已一身四頭身體俱焦
於彼獄處復有諸虫名曰鐵嘴常噉舌根若

從他聞一四句偈於各千劫取彼和尚阿闍
梨等荷擔肩上或時背負頂戴亦未能報也
又毗曇論云若病人及與說法師近佛諸菩
薩施者得大果報 又六度集經云昔者菩
薩身為鶴鳥生子有三時國大旱無以食之
自裂腋下肉以濟其命三子疑曰斯肉氣味
與母身氣相似無異得無吾母以身肉飼吾
等乎三子愴然有悲猛之情又曰寧殞吾命
不損母體也於是閉口不食母親不食而更
索焉天神歎曰母慈惠難喻子孝希有也諸
天祐之願即從心佛告諸比丘鶴母者吾身
是也三子者舍利弗目連阿難是也菩薩慈

惠度無極行布施如是 又四十二章經云
佛言飯凡人百不如飯一善人飯善人千不
如飯持五戒者一人飯持五戒者万人不如
飯一須陁洹飯須陁洹百万人不如飯一斯
陁舍飯斯陁舍千万人不如飯一阿那舍飯
阿那舍一億人不如飯一阿羅漢飯阿羅漢
十億人不如飯辟支佛一人飯辟支佛百億
人不如以三尊之教度其一世二親教親千億
人不如飯一佛舉願求佛欲濟衆生也飯善
人福最大深重凡人事天地鬼神不如孝其
親矣二親最神也 又雜寶藏經云昔過去
久遠雪山之中有一鸚鵡父母都盲常取好

果先奉父母當於尔時有一田主初種穀時
而作願言所種之穀要與衆生而共噉食時
鸚鵡子以彼田主先有施心常取其穀以供
父母田主行穀見有虫鳥捕穀穗處瞋恚懊
惱便設羅網捕得鸚鵡鸚鵡尔時語田主言
田主先有好心布施故敢來取如何今者而
見網捕田主問言取穀爲誰鸚鵡荅言有盲
父母願以奉之田主語言自今以後常於此
取勿生疑難畜生尚尔孝養父母豈況於人
佛告比丘咎鸚鵡者今我身是時田主者舍
利弗是盲父母者今我父母淨飯王摩耶夫
人是由昔孝養今得成佛 太子部第三

如報恩經云佛告阿難過去久遠無量無邊
阿僧祇劫有佛出世号毗婆尸入涅槃後於
像法中波羅奈國王名羅闍其王統領六十
小國王有太子作小國王有一大臣名羅睺
羅心生惡逆煞害大王并二太子王最小子
作邊國王仁性調善天神敬愛生一太子名
須闍提年始七歲聰明慈孝王甚愛念時神
語王羅睺大臣謀奪國位收煞父王并煞二
兄軍馬不久當來煞王今可逃避王聞是語
心驚毛豎仰而問曰卿是何人但聞其聲不
見其形所宣實不即報王言我是大王守宮
殿神以王福德正法治國不枉人民故先相

告王宜速出衰禍不久正尔當至王聞是已
即入宮中便自思惟欲投他國時向隣國有
其二道一道計行七日乃到一道計行十四
日至王即尋辦七日糧食抱兒而去夫人隨
後時去忿忿心意荒迷或誤著十四日道其
路嶮難復無水草初發唯將一人食糧而於
今者三人共食數日糧盡前路猶遠王與夫
人舉聲大哭恠哉苦哉我從生來未曾聞有
如是苦惱何其今日身自更之窮厄並至舉
身投地自悔言我等宿世作何惡行今受此
禍思已大哭悶絕躡地復自思念不可三人
併命此死宜煞夫人取肉活身并續子命念

已拔刀欲煞夫人其子見王欲煞其母前提
王手問其因緣王即涕泣悲淚滿目微聲語
子欲煞汝母取其血肉以續餘命若不煞者
亦當自死我身亦尔今者死活竟何所在爲
活子命欲煞汝母子白父言王若煞母俱亦
不食何處有子噉於母肉既不噉肉子當俱
死王今宜可煞子取肉濟父母命王聞子言
即便悶絕婉轉躡地而語子言子如吾目何
處有人自挑目食吾寧喪命終不煞子噉其
肉也子又語父言若斷子命肉則臭爛未得
幾日唯願父母宜可日日就子身上割肉三
斤分作三分二分奉父母一分自食以續身

命父隨子言割肉三斤支命進路二日未到
身肉轉盡骨節相連餘命未斷即便倒地父
母見已尋前抱持舉聲大哭而作是言我等
無狀橫噉汝肉使汝苦痛前路猶遠未達所
在汝肉已盡今者併命聚屍一處子諫父言
已噉子肉進路至此計前里程餘一日在子
身今者捨命在此仰願父母莫如凡人併命
一處可於子身諸支節間悉割餘肉用濟父
母可達所在父母隨言割得少肉分作三分
一分與兒二分自食食已別去子起立住看
父母去父母亦時舉聲大哭隨路而去父母
去遠不見太子戀其父母目不暫捨良久躡

地身體血出蚊蚋啖食楚毒苦痛不可復言
餘命未斷發聲立誓願宿世殃惡從是除盡
自今已往更不敢作今我身肉供養父母願
我父母常得餘福卧安覺安不見惡夢天護
人愛縣官盜賊陰謀消滅觸事吉祥餘身血
肉施此諸虫皆使飽滿令我來世得成佛道
施以法食除汝飢渴生死重病發是願時天
地大動日無精光帝釋見已即便化作師子
虎狼恐怖太子欲來搏噬太子語言汝欲噉
我隨意取食何為見怖釋即語言我非師子
虎狼之屬是天帝釋故來試卿太子聞已歡
喜無量釋問太子汝於今者難捨能捨能以

身肉供養父母如是功德願作何等天王人
王梵王魔王耶太子荅言我不願此欲求佛
道度脫一切天王釋言佛道長遠久受勤苦
然後乃成汝云何能受如是苦太子荅言假
使熱鐵在我頂上終不以苦退於佛道天王
釋言汝唯空言誰當信汝太子尋即立誓願
言若我欺誑天王釋者令我身瘡始終莫合
若不介者令我平復血變為乳太子誓已即
時身體平復如故血白為乳身體形容端正
倍常釋即讚言若得佛道願先度我介時父
母到隣國已向彼國王具說上事吾子孝養
身肉供養其事如是隣王聞已感其慈孝即

與兵衆遣還歸國往伐羅睺父將兵衆順道
還過與子別處即自念言吾子死矣當收身
骨還歸本國舉聲悲哭隨路求覓遙見太子
身體平復端正倍常即前抱持悲喜交集語
太子言兒今活耶尔時太子具以上事向父
母說父母歡喜共載大鳥還歸本國太子福
德慈孝力故伐得本國父王即立太子為王
佛告阿難尔時父者今現我父悅頭檀是尔
時母者今現我母摩耶夫人是太子者今我
身是時帝釋者今阿若憍陳如是
睽子部第四 如睽子經云過去世時迦夷
國中有一長者無有兒子夫妻空目心願入

山求無上道修清淨志信樂空閑時有菩薩
名一切妙見心作念言此人發意微妙眼無
所見若入山者必遇枉害菩薩壽終願生長
者家名之為睽至孝仁慈奉行十善晝夜精
進奉事父母如人事天奉過十歲睽子長跪
白父母言本發大意欲入深山求志空寂無
上正直豈以子故而絕本願父母取語便即
入山睽以家中財物皆施貧者便至山中以
蒲爲屋施作牀纏不寒不熱恒得其宜入山
一年衆果豐且美食之皆甘泉水涌出清而且
涼池華五色鳥獸音樂慈心相向無復害意
睽至孝慈蹈地恐痛天神山神常作人形晝

夜慰勞睽者鹿皮衣提瓶取水麋鹿衆鳥亦
復往飲不相畏難時有迦夷國王入山射獵
王見水邊群鹿引弓射之箭誤中睽匈睽被
毒箭舉聲大呼言誰持一箭射煞三道人王
聞人聲即便下馬往到睽前睽謂王言象坐
牙死犀坐角亡翠爲毛終麋鹿爲皮害我今
無事正坐何等死耶王問睽言卿是何等人
被鹿皮衣與禽獸無異睽言我是王國人與
盲父母俱來學道二十餘年未曾爲虎狼毒
虫所見枉害今我爲王所射煞登尔之時山
中暴風忽起吹折樹木百鳥悲鳴師子熊羆
走獸之輩皆大號呼日無精光流泉爲竭衆

華萎死雷電動地時盲父母驚起相謂曰朕
行取水經久不還將無為毒虫所害禽獸號
呼不如常時風起樹折必有災異王時怖懼
大自悔責我作無狀本欲射鹿箭誤相中射
煞道人其罪甚重坐貪小肉而受重殃我今
一國珍寶之物宮殿伎女立郭城邑以殺子
命時王便以手挽拔朕匈箭深不得出飛鳥
走獸四面雲集號呼動山王益惶怖三百六
十節節皆動朕語言非王之過自我宿罪
所致我不惜身命但憐盲父母年既衰老兩
目復盲一旦無我亦當終沒無瞻視者以是
懊惱非為毒痛王復重言我寧入涅槃百劫

受罪使朕得活若子命終我不還國便任山中供養卿父母如卿在時勿以爲念諸天龍神皆當證知不負此誓朕聞王誓心喜悅豫惟死不恨以我父母仰累大王供養道人現世罪滅得福無量王言卿語我父母處及卿未死使我知之朕即指示從此步徑去此不遠自當見一草屋我父母在中王徐徐行勿令我父母怖懼以善權方便解悟其意爲我上謝無常今至當就後世不惜我命但念父母年老兩目復盲一旦無我無所依仰以是懊惱用自酷毒死自常分宿罪所致無得脫者今自懺悔願罪滅福生世世相值不相遠離

願父母終保年壽勿有憂患天龍鬼神常隨
護助灾害消滅王領此言便將數人徑詣父
母所王去之後睽便奄絕鳥獸號呼遶睽屍
上口舐匈血盲父母聞聲以益憎怖王行既
疾觸動草木肅有人聲父母驚言此是何人
非我子行王言我是迦夷國王聞道人在山
學道故來供養父母言大王善來勞屈威尊
遠臨草野王體安不宮殿夫人太子官屬國
民皆安善不風雨和調五穀豐足隣國不相
侵害不王荅道人言蒙道人恩皆自平安王
問評盲父母言來在山中勞心勤苦樹木之
間飛鳥走獸無侵害不山中寒暑隨時安不

盲父母言蒙王厚恩常自安隱我有孝子名
睽常與我取果菰泉水恒自豐饒山中風雨
和調無有乏短我有草席可坐果菰可食睽
行取水且欲來還王聞傷心淚出且言我罪
惡無狀入山射獵見水邊群鹿引弓射之箭
誤中睽故來相語父母聞之舉身自撲如大
山崩地乃為動王便自前扶牽父母號哭仰
天自說我子孝慈蹈地恐痛有何等罪而射
煞之向者風起樹木百鳥一時悲鳴疑我子
死父母啼呼父言且止人生必死不可得却
今且問王射睽何許今為死活王說睽言父
母感絕我一旦無子俱亦當死

依雜寶藏經云王便悲泣而說偈言

我為斯國王 遊獵於此山 但欲射禽獸

不覺中害人 我今捨王位 來事盲父母

與汝子無異 慎莫生憂苦

盲父母以偈答王言

我子慈孝順 天上人中無 王雖見憐愍

何得如我子 王當見憐愍 願將示子處

得在兒左右 并命意分足

於是王將父母向兒所推曾懊惱號咷而言

我子慈仁孝順無比天神山神樹神河池諸

神皆向說言 釋梵天世王

云何不佐助 我之孝順子 使見如此苦

深感我孝子 而速救濟命

又睽子經云願王牽我二人往臨屍上王即牽盲父母往到屍上父抱其脚母抱其頭仰天大呼毋便以舌舐睽凶瘡願毒入我口我年已老目無所見以身代子睽活我死死不恨也睽若至孝天地所知者箭當拔出毒藥當除睽當更生於是第二忉利天王坐即爲動以天眼見二道人抱子呼哭乃聞第四兜術天宮皆動釋梵四天王即從第四天王如人屈申辭頃來下睽前以神藥灌睽口中藥入睽口箭自拔出更活如故父母驚喜見睽已死更活兩目皆開飛鳥走獸皆大歡喜風

息雲消日爲重光泉水涌出衆華五色樹木
華榮倍於常時王大歡喜不能自勝禮天帝
釋還禮父母及與睽子願以國財以上道人
睽曰王欲恩者王且還國安隱人民皆令奉
戒王勿復射獵天傷虫獸現世身不安隱壽
盡當入泥犁中人居世間恩愛暫有別離久
長不可常保王宿有功德今得爲王莫以得
自在故而自放逸王自悔責從今已後當如
睽教從者數百皆大踊躍奉持五戒王辭還
宮令國中諸有盲父母如睽比者皆當供養
不得捐捨犯者重罪於是國中皆如王教奉
持五戒十善死得生天無入三惡道佛告阿難

宿世睽者我身是也盲父者今父王悅頭檀
王是盲母者夫人摩耶是迦夷國王者阿難
是也時天王釋者弥勒是使我疾成無上正
真道者皆由孝德也

業因部第五

如雜寶藏經云佛言若人於父母所作少供
養獲福無量少作不順罪亦無量我於過去
久遠世時生波羅奈國為長者子字慈童女
其父早喪與母共居家貧賣薪日得兩錢奉
養於母方計轉勝日得四錢以供於母遂復
漸差日得八錢供養於母後人投趣獲利轉
多日一十六錢奉給於母衆人見其聰明福德
皆來勸之入海採寶聞已白母母見慈孝謂

不能去戲語之言聽汝入海見即結伴剋日
已定辭去母即抱兒啼哭而言不待我死何
由得去兒已許他恐負言信便自掣出絕母
頭髮殤數十根遂去入海多得寶還至於中
路徒伴在前童女獨後失伴錯道到一山上
見瑠璃城飢渴往趣有四玉女擎四如意珠
作唱伎樂出城來迎四萬歲中受大快樂復
生獸心捨之而去見頗梨城有八玉女擎八
如意珠作樂來迎八萬歲中極大歡喜後獸
捨去至白銀城有十六玉女擎十六如意珠
如前來迎十六萬歲受大快樂後復捨去至
黃金城有三十二玉女擎三十二如意珠如

前來迎三十二萬歲受大快樂後馱捨去到
一鐵城入見一人頭戴火輪捨著童女頭上
而去時慈童女即問獄卒我戴此輪何時可
脫獄卒荅言世間有人作罪福業如入海經
歷諸城然後當來代汝受罪若無代者終不
墮地復問我答作何罪福獄卒荅言汝答兩
錢供養母故得琉璃城四如意珠及四玉女
四萬歲中受其快樂四錢供母得頗梨城八
如意珠及八玉女八萬歲中受諸快樂八錢
供母得白銀城十六如意珠十六玉女十六
萬歲受於快樂以十六錢供養母故得黃金
城有三十二如意珠三十二玉女三十二萬

歲受大快樂以絕母髮今得鐵城火輪之報
有人代汝乃可得脫復問獄卒今此獄中頗
有受罪如我比不荅言無量不可稱計聞已
念言我會不免願使一切應受苦者盡集我
身作是念已鐵輪即墮獄卒見已鐵叉打頭
尋即命終生兜率天佛告比丘咎慈童女今
我身是以是因緣於父母所少作善惡獲報
無量是故應勤供養父母 又成實論云
如來於諸聖人及父母等起善惡業則受現
報又文殊問經佛說偈云
日月照諸華 無有恩報想
如來無所取
不求報亦然 頌曰

入朝輔主 立志存忠 居家事親 敬誠孝終
況佛大恩 普濟無窮 酬恩報德 豈情虔躬

感應緣

略引一十五驗

舜子有事父之感

郭巨有養母之感

丁蘭有刻木之感

董永有自賣之感

陳遺有煇飯之感

姜詩有取水之感

吳逵有供葬之感

蕭固有延葬之感

吳沖有哀慟之感

王之有疾愈之感

伯瑜有泣衰之感

石奢有代死之感

孝婦有養姑之感

雄和有投水之感

千石有墳墓之感

舜父有目失始時微微至後妻之言舜有井

穴乏舜父在家貧厄邑市而居舜父夜卧夢見一鳳凰自名爲鷄口銜米以哺已言鷄爲子孫視之是鳳凰黃帝夢書言之此子孫當有貴者舜占猶也比年采稻穀中有錢舜也乃三日三夜仰天自告過因至是聽常與市者聲故二人舜前舐之目霍然開見舜感傷市人大聖至孝道所神明矣 又郭巨河内温人甚富父没分財二千万爲兩分弟已獨取母供養任自比隣有凶宅無人居者共推與居無患妻生男慮養之則妨供養乃令妻抱兒已掘地欲埋之於土中得一釜黃金金上有鐵券曰賜孝子郭巨 又丁蘭河内野王

人也年十五喪母刻木作母事之供養如生

蘭妻夜火灼母面母面發瘡經二日妻頭髮

自落如刀鋸截然後謝過蘭移母大道使妻

從服三年拜伏一夜忽如風雨而母自還隣

人所假借母顏和即與不和則不與鄭緝之

曰蘭妻誤燒母面即夢見母痛人有求索許

不先白母隣人曰枯木何知遂用刀斫木母

流血蘭還號造服行喪廷尉以木

滅死宣帝嘉之拜太中大夫者也

又董永者鄭緝之少偏孤與父居

乃肆力田畝鹿車載父自隨父終自賣於富

公以供喪事道逢一女呼與語云願為君妻

遂俱至富公富公曰女為誰荅曰永妻欲助

償債公曰汝織三百疋遣汝一旬乃畢女出

門謂永曰我天女也天令我助子償人債耳

語畢忽然不知所在右此四驗出劉向孝子傳

陳遺吳人少為郡吏母好食鐺底焦飯遺在

役恒帶囊每煮食錄其焦貽母後孫恩亂聚

得數升恒帶自隨及敗多有餓死者遺得活

母晝夜泣憶遺目為失明耳為無聞遺還入

再拜號泣母目豁明右此一驗出宋射孝子傳

姜詩字士遊廣漢雒人母好飲江水兒常取

水溺死婦痛惜恐母知詐云行學歲歲作衣

投于江中俄而泉涌出於舍側味如江水甘

美旦出鯉魚一雙右此一驗出東觀漢記

吳達吳興人也孫恩亂後兄弟嫂從有十三

喪家貧僻立冬無被袴晝則傭書夜還作磚
夫妻執事無食自暇暮年辦七墓十三棺逆
取傭直以供葬事隣人乃悉折以為賻一無
所取躬耕償之晉義熙三年太守張崇禮辟
之 又蕭固字秀異東海蘭陵人何十四世
孫舊居沛何倍長陵因家關中少有孝謹遭
喪六年雉鵲遊狎其廡鹿入其門墻徵躬不
就固子芝字英髦孝心醇至除尚書郎有雉
數十餘喙宿其上嘗上直送至路雉飛鳴車

側

右此二驗出
鄭緝之傳

吳中書郎咸冲至孝母王

氏失明冲慙行勅婢為母作食乃取蟻螬虫
蒸食之王氏甚以為美不知是何物兒還王

氏語曰汝行後婢進吾一食甚甘美極然非魚非肉汝試問之既而問婢婢服實是蟻螯冲抱母慟哭母目霍然開明右此一驗出祖台志惟王虛之盧陵西昌人年十三喪母三十喪父二十年鹽酢不入口病著牀忽有一人來問病謂之曰君病尋差俄而不見又所住屋夜

有光庭中橘樹隆冬三實病果尋愈咸以至

孝所感右此一驗出宋韓伯愈有過其母

笞之泣母曰他日未嘗泣今何泣也對曰他

日俞得笞常痛今母力衰不能使痛是以泣

也又石奢楚人事親孝昭王時為令尹行

道遙見有煞人者追之乃其父也奢縱父而

還自繫獄使人言於王曰夫以父立政不孝

廢法縱罪不忠請死贖父遂因自刎

右此二驗
出說苑錄

漢書載東海孝婦養姑甚謹姑曰婦養我勤
苦我已老何惜餘年久累年少遂自縊死其
女告官云婦煞我母官收繫之拷掠治毒孝
婦不堪楚毒自謀服之時于公爲獄吏曰此
婦養姑十餘年以孝聞徹必不煞也太守不
聽于公爭不得理抱其獄辭哭於府而去自
後郡中枯旱三年後太守至思求其所咎于
公曰孝婦不當死前太守枉煞之咎當在此
太守即時身祭孝婦之墓未反而大雨焉長
老傳云孝婦名用青青將死車載十丈竹竿

以懸五幡立誓於衆曰青若有罪願煞血當
順下青若枉死血當逆流旣行刑已其血青
黃緣幡竹而上極標又緣幡而下云尔

捷爲符先泥和其女者名雄泥和至永建元
年爲縣功曹縣長趙祉遣泥和拜檄謁已都
太守以十月乘舩於城湍墮水死屍喪不得
雄哀慟號咷命不圖存告弟賢及夫人令勤
覓父屍若求不得吾欲自沉覓之時雄年二
十七有子男貢年五歲貫三歲又爲作繡香
囊一枚盛金珠環預嬰二子哀號之聲不絕
於口昆族私憂至十二月十五日父喪未得
雄乘小船於父墮處哭數聲竟自投水中旋

流沒底見夢告弟至二十一日與父俱出投
期如夢與父相持並浮出江縣長表言郡太
守肅登承上尚書遣戶曹掾為雄立碑圖像
其形令知誌孝

右二出
搜神記

唐慈州刺史太原

王千石性自仁孝以沉謹所稱尤精內典信心
練行貞觀六年父憂居喪過禮一食長齋柴

形毀骨立廬於墓左負土成墳夜中常誦佛

經宵分不寢每聞擊磬之聲非常清徹兼有

異香延及數里道俗聞者莫不驚異

右六驗出
真報拾遺

不孝篇第五十

此有四部

述意部

五逆部

婦逆部

棄父部

述意部第一

夫以立忠立孝所以揚名

於後代行逆行乖所以受報於來苦孝逆并
沉善惡胡越故大慈愍闍王之凶勃譽羅雲
之善徵將恐不孝毒火無由而滅惡逆重間
開了未期辟如牢獄重囚具嬰衆苦抱長枷
穿大械帶金鉗負鐵鎖捶撲其軀膿瘡穢爛
周遍形骸臭惡纏巾而欲以此狀求見慈父

懇誠難覩也

五逆部第二

如智度論云佛弟子提婆達多是佛堂弟出家學道誦得六万法聚精進修行滿十二年其後爲供養故求至佛所求學神通佛告憍曇汝觀五陰無常可以得道亦得神通而不爲說取通之法出求舍利弗目犍連乃至五

百阿羅漢皆不爲說但言汝當觀五陰無常
可以得道可以得通是時阿難未得他心智
如佛所言以授提婆達多提婆達多受學通
法已入山不久便得五通得五通已自念誰
當與我作檀越者如王子阿闍世有大王相
欲與爲親厚到天上取天食還齎單越取自
然粃米至閻浮林中取閻浮果與王子阿闍
世或自變其身作象寶馬寶以惑其心或作
嬰孩種種變態以動其心王子意惑於柰園
中大立精舍四種供養并種種雜供無物不
備以給提婆達多日日率諸大臣自送五百
金羹美餅提婆達多大得供養而徒衆鮮少自

念我有三十相減佛未幾直以弟子未集若
大衆圍遶與佛何異如是思惟已生心破僧
五百弟子舍利弗目捷連說法教化僧還和
合尔時提婆達多便生惡心推山壓佛金剛
力士以金剛杵而遙擲之碎石迸來傷佛足
指花色比丘尼呵之復以拳打尼尼即時眼
出而死作三逆罪與惡邪師富蘭那外道等
親厚斷諸善根心無悔恨復以惡毒著指爪
中欲因禮佛以中傷佛欲去未到於王舍城
中地自然破裂火車來迎生入地獄提婆達
多身有三十相而不能忍伏其心爲供養利
故而作大罪生入地獄又涅槃經云善星比

丘雖復讀誦十二部經獲得四禪乃至不解
一偈一句一字之義親近惡友退失四禪退
四禪已生惡邪見作如是說無佛無法無有
涅槃沙門瞿曇豈知相法是故能知他人心
乃至尔時如來即與迦葉往善星所善星比
丘遙見我來見已即生惡邪之心以惡心故
生身陷入阿鼻地獄 又如智度論說鬱陀
羅伽仙人得五神通日日飛到國王宮中食
王大夫人如其國法捉足而禮夫人手觸即
失神通從王求車乘駕而出還其本處入樹
林間更求五通乃至為鳥急鳴以亂其意捨
樹至水邊求定復聞魚鬪動水之聲此人求

禪不得即生瞋恚我當盡殺魚鳥此人死後
思惟得定生非有想非無相處於彼壽盡下
生作飛狸殺諸魚鳥作無量罪墮三惡道又
云有一比丘坐得四禪生增上慢謂得阿羅
漢特是而止不復求進命欲終時見有四禪
中陰相未便生邪見謂無涅槃佛為欺我惡
邪生改即失四禪中陰便見阿鼻地獄泥黎
中陰相未命終即生阿鼻地獄佛為訖偈云
多聞持戒禪未得無漏法雖有此功德
此事不可信又未生怨經云調達嫉佛
徒衆還告太子未生怨曰汝父國寶以貢佛
僧國藏空竭可早圖之即信為王吾與師往

征佛也子可為王吾當為佛兩得其所不亦
善乎則勅勢臣奪其印綬付王獄禁王意恬
然照之宿殃心益恐懼重信佛言王曰吾有
何過而罪我乎皇后貴人率士巨細莫不哀
慟王願哭者曰佛說天地日月須弥山海有
成必敗盛者即衰合會有離生者必死輪轉
無際身尚不保何國之常王謂太子曰汝每
有疾吾為焦心欲以身命救危代汝親之仁
恩唯天為上汝懷何心忍為逆惡夫殺親者
死入太山吾是為尊以國惠汝吾欲至佛請
作沙門太子曰汝莫多云吾獲宿願豈有救
哉勅獄吏曰絕其餉食以餓殺之瓶沙王向

佛所在稽首重拜曰子有天地之惡吾無絲
髮之念被髮仰天呼曰痛乎天豈有斯道哉
舉國巨細靡哀慟后謂太子曰大王桎梏處
在牢獄坐卧須人欲見大王寧可不乎太子
曰可后淨身澡浴以蜜麩塗身入見大王面
貌瘦瘠不識本形后曰佛說業果每常罪苦

有恒王曰獄吏絕餉飢渴日久身有八十戶
戶有數百種虫擾吾腹中血肉消盡壽命且
窮言之哽咽息絕復連后曰具招斯報妾以
麩蜜塗身可就食之當惟佛誠無忽憂心王
食畢已向佛所在哽咽稽首佛說榮福難保
如幻如夢誠如尊教吾不懼死惟恨不面稟

佛所在稽首重拜曰子有天地之惡吾無絲
髮之念被髮仰天呼曰痛乎天豈有新道哉
舉國巨細靡哀慟后謂太子曰大王桎梏處
在牢獄坐卧須人欲見大王寧可不乎太子
曰可后淨身澡浴以蜜麩塗身入見大王面
貌瘦瘠不識本形后曰佛說業集無常罪苦

有恒主曰獄吏絕餉飢渴日久身有八十戶
戶有數百種虫擾吾腹中血肉消盡壽命且
窮言之哽咽息絕復連后曰具招斯報妾以
麩蜜塗身可就食之當惟佛誠無忽憂心王
食畢已向佛所在哽咽稽首佛說榮福難保
如幻如夢誠如尊教吾不懼死惟恨不面稟

佛清化與秋鷺子目連大迦葉講尊道與土
謂后曰如目連等衆惱已除得六神通尚爲
貪嫉梵志所捶豈況吾哉爲惡殃追人猶影
響佛時難遇神化難聞稟其清化誠亦難值
吾今死矣遷神遠逝夫欲建志莫尚佛教汝
慎守之防來禍矣后聞王誠重更哀慟尔時
太子詰獄吏曰絕王食久不死何爲對曰皇
后入獄身塗麩蜜貢以延命太子曰自今莫
令后見王身王飢勢起向佛所在稽首即爲
不飢夜時爲暎太子聞之令塞窓牖削其足
底無令得起而覩佛明有司即削足底其痛
無量念佛不忘佛遙爲王說經曰夫善惡行

殃福歸身可不慎矣。瓶沙對曰：若當支解，可
斬於體，終不念惡。世尊重曰：吾今為佛大千
日月天神鬼龍靡不稽首宿之餘殃，于今不
釋。豈況凡庶具招宿殃，王即叉手向遙稽首。
今日命終，永替神化。喲伊哽咽，斯湏息絕。舉
國臣民靡不躄踴呼天，柰何瓶沙大王即得
道迹上生天上，三道門塞，諸障滅矣。

述曰：闍王後悔殷誠，重懺具如涅槃，不可備
錄。據迹似實，約權俱化。故依菩薩本行經云：
佛告阿闍世王，救父惡逆之罪，用向如來改
悔，故在地獄中當受世間五百日罪，便當得
脫。唯當自責改往脩來，莫用愁憂。王聞歡喜。

不能自勝 又雜寶藏經云笈迦默國鳩陀
扇村中有一老母唯有一子其子勃逆不修
仁孝以瞋母故舉手向母適打一下即日出
行遇逢於賊折其一臂不孝之罪尋即現報
苦痛如是後地獄苦不可稱計也

又百緣經云佛在世時舍衛城中有一長者
婆羅門婦產一男兒容貌弊惡身體臭穢飲
母乳時能使乳敗若飲餘者亦皆敗壞唯以
蘇蜜塗指令舐得濟軀命因為立字名曰得
飽後漸長大求佛出家佛告善來比丘鬚髮
自落法服著身便成沙門精勤修習得阿羅
漢果而行乞食亦不獲得便自悔責入其塔

中見少空汗即便掃灑時到乞食即便豐足
心懷歡喜白衆僧言從今以往衆僧塔寺聽
我掃灑僧即聽許後於一日眠不覺曉舍利
弗見佛塔中有少塵空即便掃之時黎軍支
便從眠寤見舍利弗掃竟心懷悵恨語舍利
弗汝掃我地令我今者飢困一日時舍利弗
聞是語已而告之言我今自當共汝入城受
請可得飽滿汝勿憂也聞已心泰受請時到
共舍利弗入城受請正值檀越夫婦鬪諍竟
不得食飢餓而還時舍利弗於第二日復更
語言我於今朝當自將汝受長者請令汝飽
足時到將往其上中下座皆悉得食唯此一

人獨不得食高聲唱言我不得食尔時主人
都無聞者飢困而還尔時阿難聞已深憐於
第三日語言我於今朝隨佛受請為汝取食
足使飽滿然阿難受持如來八万四千諸法
藏門未曾漏脫今故為此黎軍支比丘取其
飲食忽不憶空鉢而還於第四日阿難復為

取食還其所止道逢惡狗所齧啐飲食棄地
空鉢而還於第五日大目犍連復為取食中
道為金翅鳥王見為博啐合鉢將去置大海
中復不得食於第六日時舍利弗復為取食
到彼房門門自然閉復以神力入其房內踊
出其前失鉢墮地至金剛際復以神力申手

取鉢其口復噤竟不能食時日已過口輒自
開於第七日竟不得食極生慚愧於四衆前
餐沙飲水即入涅槃時諸比丘見是事已恠
其所由請佛說本因緣佛告比丘乃往過去
無量世中有佛出世号曰帝幢將諸比丘遊
行教化時有長者名曰瞿弥見佛及僧深生
信敬請來供養日日如是便經父亡母故惠
施子恠不聽乃至計食與母母故分減施佛
及僧子聞瞋恚即便捉母閉著空室鎖戶棄
去至七日頭母極飢困從子索食見荅母曰
何如餐沙飲水足活今者何爲索食語已捨
去竟不得食母便去世其子命終入阿鼻獄

受苦畢已還生人中，飢困如是，然由往替供養佛故，今得值我出家得道比丘，聞已歡喜奉行。又新婆沙論云：替有暴惡者，令母執器自搆牛乳搆便，過量母止之。言餘者可留以乳犢子，其人既聞，忽生瞋忿，以手搆乳散其母面，隨著母身，乳滴多少，惡業力故，即令彼人身上還生，亦所白癩。

婦逆部第三

如雜寶藏經云：替有一婦

稟性很戾，不順禮度，每所云為常與姑反，後作方計教其夫，主自然其母，其夫愚癡，即用婦語，便將其母至曠野中，結縛手足，將欲加害，罪逆之甚，感徹上天，雲霧四合，為下礮礮。

碑煞其兒母即還家其婦開門謂是夫主問
言煞未姑荅已煞至於明日方知夫死不孝
之罪現報如是後入地獄受苦無量

棄父部第四

如雜寶藏經云尔時世尊

而作是言恭敬宿老有大利益而常讚歎恭
敬父母者長宿老不但今日我於過去久遠

有國名棄老國彼國土中有老人者皆遠驅
棄有一大臣其父年老依如國法應在駈遣
大臣孝順心所不忍乃深掘地作一密室置
父著中隨時孝養尔時天神捉持二蛇著王
殿上而作是言若別雄雌汝國得安若不別
者汝身及國七日之後悉當覆滅王聞是已

心懷懊惱即與群臣參議斯事各自陳謝稱
不能別即募國界誰能別者厚如爵賞大臣
歸家往問其父父荅子言此事易別以細軟
物停地著上其躁媯者當知是雄住不動者
當知是雌故律云白疊試即如其言果別雄
雌天神復問言誰於睡者名之為寤誰於寤

者名之為睡王與群臣復不能辯大臣問父
此是何言父言此名學人於諸凡夫名為覺
者於諸羅漢名之為睡即如其言以荅天神
又復問言此大白象有幾斤兩群臣共議無
能知者大臣問父父言置為船上著大池中
晝水齊船深淺幾許即以此船量石著中水

沒齊畫則知斤兩卽以此智以荅天神又復
問言以一掬水多於大海誰能知之群臣共議
又不能解大臣問父此是何語父言此語易
解若有人能信心清淨以一掬水施於佛僧
及以父母困厄病人以此功德數千萬劫受
福無窮海水極多不過一劫推此言之一掬
之水百千万倍多於大海卽以此言用荅天
神天神復化作餓人連骸拄骨而來問言世
頗有人飢窮瘦苦劇於我不群臣思量復不
能荅復以狀問父父荅子言世間有人慳貪
嫉妬不信三寶不能供養父母師長將來之
世墮餓鬼中百千万歲不聞水穀之名身如

太山腹如大谷咽如細針髮如錐刀纏身至
脚舉動之時支節火然如此之人劇汝飢苦
百千方倍即以斯言用答天神天神又化作
一人手脚杻械項復著鎖身中火出舉體焦
爛而又問言世頗有人苦劇我不群臣率尔
無知答者大臣復問其父父即答言世間有
人不孝父母逆害師長叛於夫主誹謗主尊
將來之世墮於地獄刀山劍樹火車鑪炭灰
河沸戾刃道火道如是衆苦無量無邊不可
計數以此方之劇汝困苦百千方倍即如其
言以答天神天神又化作一女人端正瓊瑋
踰於世人而又問言世間頗有端正之人似

我者不群臣默然無能荅者臣復問父父時
荅言世間有人信敬三寶孝順父母好施忍
辱精勤持戒得上天上端正殊特過於汝身
百千万倍以此方之如瞎猕猴復以此言以
荅天神天神又以一旃檀木方之正等又復問
言何者是頭群臣智力無能荅者臣又問父
父荅言易知放著水中根者必沉尾者必舉
即以其言用荅天神天神又以二白草馬形
色無異而復問言誰母誰子群臣亦復無能
荅者復問其父父荅言與草令食若是母者
必推草與子如是所問悉皆荅之天神歡喜
大遺王珍竒財寶而語王言汝今國土我當

擁護令諸外敵不能侵害王聞是已極大踊
悅而問臣言爲是自知有人教汝賴汝大智
國土獲安旣得珍寶又許擁護是汝之力臣
荅王言非臣之智願施無畏乃敢具陳王言
設汝今有万死之罪猶尚不問況小罪過臣
白王言國有制令不聽養老臣有老父不忍
駢遣致犯王法葢著地中臣來應荅盡是父
智非臣之力唯願大王一切國土還聽養老
王即歎美心生喜悅奉養臣父尊以爲師濟
我國家一切人命如此利益非我所知即便
宣令普告天下不聽棄老仰令孝養其有不
孝父母不敬師長當加大罪尔時父者我身

是也。尔時大臣者舍利弗是。尔時王者阿闍
世是也。尔時天神者阿難是也。故俗云養老乞
言即其是也

又雜寶藏經云。昔者世尊語諸比丘。當知往
昔波羅柰國有不善法流行於世。父年六十
與著敷。屢使守門戶。尔時兄弟二人。兄語弟
言。汝與父敷。屢使令守門屋中。唯有一敷。屢
小弟便截半與父。而白父言。大兄與父非我
所與。大兄教父使守門屋。兄向弟言。何不盡
與敷。屢截半與之。弟答兄言。適有一敷。屢不
截半與。後更何處得兄。問弟言。欲更與誰。弟
言。豈可得。不留與兄耶。兄言。何以與我。弟言。
汝當年老。汝子亦當安。汝置於門中。兄聞此。

語驚愕曰我亦當如是耶弟言誰當代汝便
語兄言如此惡法宜共除捨兄弟相將共至
輔相所以此言論向輔相說輔相荅言實尔
我等亦共有老轉相啓王王可此語宣今國
界孝養父母斷先非法不聽更尔
又優婆塞戒經云是五逆罪煞父則輕煞母

則重煞阿羅漢重於煞母出佛身血重於煞
阿羅漢破僧復重出佛身血
頌曰

君愛忠臣 父憐孝子 沉佛大慈 拔苦樂彼
不荷其恩 害親存己 一墜幽塗 累劫終始

感應緣 如是五逆及惡心向三寶現遭殃各
者無量並散在諸篇今略述二三不

孝現報之驗也

周王彥偉

齊何君平

隋婦養姑

周時有人姓王字彥偉河南人爲性凶惡好遊獵父母孤養憐愛極重每諫不許共惡人交遊復抑不聽射獵恐損身命不存係嗣偉不從父訓常獵不止兼逐惡人恒爲鹿過父母旣見不止凶行罰杖五十身瘡不得出以恨父母伺夜眠之後密以土袋壓父母口加身坐上望氣不出意令遣死無其瘡盤將爲卒亡不猜己身忽見有鬼來入堂內震動家內大小並覺翻偉牀前偉便仰卧土袋已在偉腹父母蘇覺遂挽兒腹上土袋不能去身偉復見鬼壓土袋上極困垂死唱叫救命合

家大小及之隣人併方挽之必竟不移偉聲
不出但得以手叩頭合掌而卒

齊何君平相州人母裴氏少年誕平後更不
孕父母憐愛劇同眼目父母憐重平長大不
多教學問縱暴自遊年至二十父母憐愛不
聽別室父因使出行經年方還父行去後母

憐其私父還到舍共母煞父埋之後園誑他
道父未還天雷礮父屍出然後礮平身身上

且題因緣親隣告官聞徹天聽勅煞裴氏暴

屍不聽收埋

右二見李
歸心錄也

隋大業中河南人婦女養姑不孝姑兩目盲
婦以蚯蚓爲羹以食之姑恠其味竊藏一齧

留以示兒兒還見之欲送婦向縣某及而雨
雷震失其婦俄而婦從空落身衣如改而易
其頭為白狗頭言語不異問其改答云以不
孝姑為天神所罰夫以送官時乞食於市復
不知所在

右一驗出
冥報記

法苑珠林卷第四十九

黻 於敢反然也 揄 音勇功也 朕 失用反 聲 音穀 蕪 落果反 玻

疋 何 璿 曆佞反 連 渠追反 暮 音基 賻 音附 筍 丑知反 擻

胡狄反 郁 音郁 啣 音伊 齧 意計反 制 克制反 瞎 呼鑿反

驛 草音 草 音 欵 力丁反 縻 但近反 急 水也

7
7

